

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya
No. Telefon : 03-8882 5562
No. Fax : 03-8882 5569

MAJLIS PERBARISAN DAN KAWALAN KEHORMATAN SEMPENA SAMBUTAN JUBLI EMAS KE 50 DAN TAMAT LATIHAN KURSUS ASAS SAINS PENGUATKUASAAN KPDNHEP TAHUN 2022

KAJANG, 21 Julai 2022 – YB Dato Sri Alexander Nanta Linggi, Menteri Perdagangan Dalam Negeri dan Hal Ehwal Pengguna hari ini telah menghadiri Majlis Perbarisan dan Kawalan Kehormatan Sempena Sambutan Jubli Emas Ke 50 Bahagian Penguat Kuasa dan Tamat Latihan Kursus Asas Sains Penguatkuasaan, KPDNHEP Tahun 2022 bertempat di Maktab Penjara Malaysia, Kajang, Selangor.

2. Pelatih Kursus Asas Sains Penguatkuasaan KPDNHEP yang terlibat pada hari ini adalah seramai 67 anggota terdiri daripada 49 anggota pelatih lelaki manakala selebihnya seramai 18 anggota adalah pelatih wanita melibatkan pelbagai gred jawatan iaitu Pegawai Penguat Kuasa Gred KP 41, Penolong Pegawai Penguat Kuasa Gred KP 29 dan Pembantu Penguat Kuasa Gred KP 19.

3. Kursus Asas Sains Penguatkuasaan kali ini telah diadakan selama dua (2) minggu bermula 1 Julai 2022 sehingga 14 Julai 2022 bertujuan untuk memberikan latihan dan ilmu pengetahuan asas kepada anggota lantikan baharu berkaitan tugas-tugas penguatkuasaan di bawah bidang kuasa

Kementerian. Selain itu, pelatih juga telah didedahkan berhubung aspek kecergasan jasmani dan fizikal seperti latihan kawad kaki, tempur tanpa senjata, pengendalian/penggunaan senjata api yang dikendalikan sepenuhnya oleh jurulatih daripada anggota Penguat Kuasa KPDNHEP terlatih yang diketuai oleh Ketua Jurulatih Tuan Roslan bin Riduan.

4. Majlis yang diadakan pada hari ini juga merupakan acara Perbarisan dan Kawalan Kerhormatan Sempena Sambutan Jubli Emas Ulang Tahun Ke-50 Bahagian Penguat Kuasa KPDNHEP yang terdiri daripada 150 orang anggota perbarisan. Ulang tahun Penguat Kuasa KPDNHEP sepatutnya disambut pada tanggal 17 April setiap tahun dan tahun ini cukup istimewa dan bermakna sekali kerana genap 50 tahun usia Penguat Kuasa KPDNHEP yang ditubuhkan secara rasmi pada 17 April 1972 dengan tema **“Komited Mendepani Cabaran”**.

5. Turut diselitkan adalah acara penyampaian sijil penghargaan kepada lain-lain agensi penguatkuasaan seperti Polis DiRaja Malaysia (PDRM), Angkatan Tentera Malaysia (ATM) dan Agensi Penguatkuasaan Malaysia (APMM) dan lain-lain agensi atas komitmen dan kerjasama dalam membantu Penguat Kuasa KPDNHEP membanteras jenayah sama ada dalam Negara mahupun disempadan Negara.

6. Anggota Penguat Kuasa KPDNHEP akan terus komited mendepani rintangan dan cabaran dengan penuh komited dan dedikasi serta penuh berintegriti untuk memastikan pertumbuhan perdagangan domestik

berkembang dengan pesat dan dalam masa sama memelihara kepentingan pengguna selari dengan aspirasi Kerajaan serta memenuhi keperluan semasa untuk mensejahterakan **Keluarga Malaysia**.

YB Dato Sri Alexander Nanta Linggi

Menteri Perdagangan Dalam Negeri
dan Hal Ehwal Pengguna

21 Julai 2022

LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran. Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidakpastian. Perdagangan pengedaran perlu kukuh bagi menampunkan sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkapi dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam berurusan niaga, dan hasilnya adalah negara yang seimbang dari segi ekonomi dan sosial.

Agensi di bawah KPDNHEP :

